

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad  
Annum 1746

**Luxemburgi, 1752**

CXXIV. De Jubilæi Concessione pro Regno Galliæ, a cuius Indulgentiæ  
beneficio excluduntur refractarii. 20. Februarii.

---

[urn:nbn:de:hbz:466:1-74696](#)

sequantur atque custodiant, & sicut solitariae mortarium explosiones in consuetis locis.

Quocirca Gubernatori Conclavis, & Gubernatori Urbis, ejusdemque Urbis Vicegerenti tunc & pro tempore existentibus, per easdem praesentes committimus & mandamus, ut in consuetis respectivis locis adstantes, necnon aliis Ceremoniarum Apostolicarum Magistris Supranumerum, qui etiam tunc & pro tempore extra Conclave existent, ut, pro coram Officii debito, praesentis Mandati nostri schedulam, & in eis contenta quacumque, singuli pro virili parte exequi & observari faciant: Notariis quoque Cameræ Apostolicae, ut prædictis Conclavis & Urbis Gubernatori, ac Vicegerenti affiant, describentes nomina singulorum contumacium & inobedientium, quos premisis, & gravioribus etiam pro excessum qualitate pœnis puniri & mulctari volumus. Praesentes quoque, & desuper si videbitur expedientes Literas, semper validas, & efficaces fore & esse, suosque plenarios & integros effectus fortiri, & obtinere, & ab omnibus, ad quos quomodolibet spectat, & spectabit in futurum, inviolabiliiter observari; sive & non alias per quoscumque Judices &c. etiam prædictis S. R. E. Cardinales, sublata &c. judicari &c. debere, irritumque &c. attentari. Non obstantibus, quatenus opus sit, Nostra & Cancillariae prædictæ Regula de jure quæsio non tollendo, & privilegiis, ac indultis, & Literis Apostolicis, Collegiis prædictis, eorumque singularibus Personis, etiam in limine eorumdem Collegiorum erectionis, concessis, ceterisque Constitutionibus & Ordinationibus Apostolicis, ac prædicatorum Collegiorum etiam juramento &c. roboratis statutis &c. ceterisque contrariis quibuscumque; cum clausulis opportunis.

### Fiat motu proprio P.

**E**T quod dictæ Regulae, necnon Priviligeriorum, & Indulctorum prædicatorum quomodolibet concessorum tenores etiam veriores, ac Datae, habentur pro expressis, seu in toto, vel parte exprimi possint in Literis etiam per viam de Curia, si videbitur, expedien. Et de perpetuis mandato, commissione, derogatione, voluntate, aliisque præmissis, ut supra in dictis Literis latissime extenden. Volumus autem, quod sola præsentis nostri Motus proprii Schedulae Signatura sufficiat, & illius quoque exempla, seu transumpta, etiam impressa, manu alicuius Notarii publici subscripta, & persona in Ecclesiastica dignitate constituta Sigillo munita, ubique fidem faciant in iudicio, & extra illud: Regula quacumque contraria non obstante.

Datum Roma apud Sanctam Mariam Majorem quartodecimo Kalendas Martii Anno Quinto.  
Publicata die 18. Martii ejusdem anni.

### CXXXIII.

Jubilæum pro Italia, & Insulis adjacen. concessum, extenditur ad Regnum Galliarum.

### B E N E D I C T U S P A P A X I V.

*Universis Christifidelibus presentes Literas inspecturis, salutem, & Apostolicam Benedictionem.*

### Exordium.

**C**UM multorum charitate refrigercente ita saepe malitia hominum abundat, ut in da-

rissima nos incidentes tempora, maximis laborem periculis; omnia utriusque legis instituta, Prophetarum, & Apostolorum exemplis firmata, satis superque testantur, unum nobis, idque tutissimum paratum esse perfugium in precipibus, & jejuniis, quibus Dei misericordiam slectere atque implorare satagimus. Hinc est, quod Italia populis ejusque Insulis adjacentibus tot calamitatibus divexatis hoc præsens Jubilæum indiximus, & ad magnam Divini auxilii spem omnes erexitus.

*§. 1. B E N E D I C T U S PP. XIV. In Suprema Catholice Ecclesia administratione &c. ut supra Pag. 254.*

**S**. 2. Hos ergo Divina misericordia uberrimos fontes in Gallia quoque Regnum, ejusque Provincias, nobis cura est derivare, ob id præcipue, ut ibi ab omnibus, qui harum celestium largitionum participes fieri volunt, præter oneera a Nobis præscripta, gratia omnino habentur quam maxima Omnipotenti Deo, cuius unius beneficio Carissimus Nostrus in Christo Filius Ludovicus Rex Christianissimus à gravissimo & deplorate morbo nuper convalescit. Omnes igitur Galliarum cœtus pro Principis salute & imperii diuturnitate vota nuncupaturi, toti se se in preces effundant, ut, qui solus est dominium Dominus, dies super dies Regis adjiciat, & cor eius in manu tenens, faciat, ut ambulans in præceptis eius, semper speret in Domino, & in misericordia Altissimi non commoveatur.

**S**. 3. Ut autem præsentes Nostra, quæ ad singula loca deferri non possunt, ad omnium notitiam faciliter deveniant, volumus ut earumdem præsentium transumptis, seu exemplis, etiam impressis, manu alicuius Notarii publici subscriptis, & sigillo persona in Ecclesiastica Dignitate constituta munitis, eadem pro rata fides habeatur, quæ haberetur ipsis præsentibus, si forent exhibite, vel ostensæ.

Datum Romæ, apud Sanctam Mariam Majorem, sub Annulo Piscatoris die XVII. Februario MDCCXLV. Pontificatus Nostri Anno Quinto.

### D. Cardinalis Passioneus.

De Jubilæi Concessione pro Regno Galliarum; a cuius Indulgentia beneficio excluduntur Refractarii.

*Carissimo in Christo Filio Nostro Ludovico Galliarum Regi Christianissimo.*

### B E N E D I C T U S P A P A X I V.

*Carissime in Christo Fili Nostrer, salutem, & Apostolicam Benedictionem.*

**N**ULLIS verbis explicare satis possumus voluntatem singularem, quam Nobis attulerunt Literæ Majestatis tuae die 24. Januarii ad Nos scriptæ, ex quibus confilia deprehendimus ad pacem Europæ conciliandam aptissima, quam Nos quidem unicè atque ardentissime exoptamus: Itaque Majestati tua gratas agimus maximas, simulque adjungimus, id Nobis iniustitiam, aut novum minimè contingere: Quippe regalem indolem, animique tui præclaros sensus jampridem cognitos habemus, ex quibus etiam facile conjectimus, Dei beneficio Majestatem tuam ex gravissimo morbo relevaramus, & prospera nunc uti valitudine, ut tanquam Angelus pacis diffidia componeret, ac populis redderet tranquillitatem.

*Extenso Jubilæi ad Gallicæ Regum, adjecto onere oranti pro Rege.*

*Auctoritas Tranlumpbris tributa.*

Dat. die 18.  
Febr. 1744.

### CXXIV.

*Pontifex confilia pacis in Rege laudat & loves.*

### §. 1. Illud

1745.  
Expetitam  
Jubilæi ex-  
tensionem  
concedit, ad-  
jecta lege  
orandi pro  
incolumitate  
ipius Regis.

**S. 1.** Illud quoque à Nobis depositum Majestas tua, ut Jubilæum in Italia atque Insulis adjacentibus nuper à Nobis promulgatum, Regnis pariter, ac Provinciis ditioni tua subjectis concedamus; in quo sane voluntati tua morem libentissimè gerimus, ob eam potissimum causam, quod Galliarum Populi partem Christiani gregis eximiam constituent. Quapropter, his nostris Literis adjunctum accipiet Majestas tua, quod expedit, Breve Apostolicum, nihil omnino diversum ab eo, quod Italiae, & Insulis adjacentibus elargiti sumus, nisi quod tuis populis eam conditio nem superaddimus ad obtinendum Jubilæum, ut Deo referant gratias, qui Majestati tuae pristinam sanitatem restituit, eumque precentur enixe, ut incolum & felicem Majestatem tuam diutissimè conservet. Pro certo habemus neminem ex illis reperiri, qui opus hujusmodi libenti animo non suscipiat, cum tot tantisque latitiae signis apertissime declaraverint, se plane intelligere magnitudinem accepti beneficii, & plurimum momenti ac ponderis possumus esse in prospera valetudine Majestatis tuae ad publicam felicitatem statuendam: Et quidem Nos ipsi Deo Optimo Maximo preces ob eandem canfam assiduo persolvimus, cum rem Divinam facimus, idemque institutum perpetuo retinebimus.

**S. 2.** Cùm autem Brevis Jubilæi quod Majestati tuae impertimur, nihil novi contineat vel diversi ab eo, quod jam Italia atque Insulis adjacentibus proposuimus, ejusque solum extensio ad tuos populos nuncupari debeat; ideo nullam habendam de iis mentionem duximus, qui in tuis Regnis parvi faciunt Constitutionem *Unigenitus*, ejusque auctoritatem temere labefactant; cum praesertim ignorare neminem arbitremur, participes Indulgentia fieri nullo modo posse, qui pervicaciam hujusmodi nondum deposuerint. Evidenter obsecundare jam videtur Deus voluntati studiique Majestatis tuae, quibus ardenter cupit, ut quicunque ditioni tuae subjiciatur, eidem Constitutioni omnino pareat, & illam, quo par est, honore prosequatur. Tam praeclarum consilium, pioque conatus, absque fructu inanes cadere Deus nequaquam patiatur; in modo certam ex Divina bonitate spem animo concipimus, fore ut pervicaces, omni contentionis deposita, sequantur exemplum clarissimi Regis, qui Sancta huic Sedi certissimis argumentis observantiam suam continuo testatur, & Ecclesiæ Decretis obsequenter obtemperat.

**S. 3.** Quod reliquum est, Majestatem tuam paterna benevolentia complectimur, & Apostolicam Benedictionem amantissimè elargimur.

Datum Romæ, apud Sanctam Mariam Majorem, sub Annulo Piscatoris, die xx. Febr. MDCCXLV. Pontificatus Nostri Anno Quinto.

Cajetanus Amatus.

## CXXV.

Clericorum Regularium Theatinorum Ordini unus locus Consultoris in Congregatione Sacrorum Rituum perpetuo attributus.

## BENEDICTUS PAPA XIV.

*Ad futuram rei memoriam.*

Pontificis  
studium erga  
Ordin. Cler.  
Regul.

**I**N SIGNUM Clericorum Regularium Theatinorum nuncupatorum Familiam, dum olim minores Dignitatem gradus tenebamus, eo, quo par erat, benevolentia & amoris studio adeo prosequebamur, ut in hoc Sacrosancti Apostolatus apice, licet immeriti, modo constituti, majoribus Apostolicæ nostra charitatis, beniginitatis testimonio complecti sumopere optemus; in hanc enim cogitationem animum nostrum jure & merito inducunt lucu-

lenta pietatis & religiosa præfectionis exempla, cum sacrarum Doctrinarum splendor, atque eterna animarum salute conjuncta, qua ab initio illius institutionis in Catholicæ Ecclesiæ utilitatem verbo & exemplo in dies proferre pergit Religiosissimi ejusdem Alumni: Postulant enim, & a Nobis expectant illi præcipue Viri, qui huic familiæ nomine dederant, & ejus gloriam longe lateque propagarunt, ut justos & debitos honores iisdem persolvamus. Unus instar omnium enituit, Nobis (quod semper maximus facimus) summa necessitudine conjunctus, immortalis memoria vir, & Venerabilis Dei Servus Josephus Maria, dum vixit, S. R. E. Presbyter Cardinalis Thomasius nuncupatus, doctrinae præstantia, morum sanctimonia, & austerrissima vendi forma clarissimus & spectatissimus, qui summo genere natus, adolescentia adhuc, jure prioris aetatis abdicato, humanisque rebus valere jussis, præclarum hoc Institutum amplexus est, & ex uberrimis Patrum fontibus, & ex veneranda antiquitate Codicibus studia, vigilias, omnesque elucubrationes suas in Proximi comodum, & in Ecclesiæ præsidium derivavit: Alter vero, Cajetanus Merati, non ita pridem ejusdem vestigia attingere alacriter studuit, & egregia sua eruditio specimina, quæ omnium judicio probantur, & manibus teruntur, scriptis etiam mandavit.

**S. 1.** Cum igitur a Romanis Pontificibus Prædecessoribus nostris quamplurima prodierint exempla Nobis ad imitandum relicta, quibus in hac Alma Urbe nostra alia officia nonnullorum Religiosorum Coetuum Alumnis ita semper adixerunt, ut munera hujusmodi tamquam sibi debita vindicantes eorum Præsides, quo laudabilius exercerentur, optimum quemque suorum omni studio atque cura conquirerent; Hinc est, quod Nos Motu proprio, ac ex certa scientia, & matura deliberatione nostris, deque Apostolicæ potestatis plenitudine volumus ac decernimus, ut deinceps perpetuis futuris temporibus unus ex Consultoribus Congregationis Venerabilium Fratrum Nostrorum S. R. E. præfatae Cardinalium Sacris Ritibus præposita, succedente illius pro tempore vacatione, uni ex Congregationis Diœtorum Filiorum Clericorum Regularium Theatinorum nuncupatorum professoribus concedi & assignari debeat.

**S. 2.** Decernentes, easdem præsentes Literas semper firmas, validas & efficaces existere & fore, suoque plenarios & integros effectus fortiri & obtinere, ac illis, ad quos spectat, & pro tempore quandocumque spectabit, plenissime suffragari; sique in præmissis per quoscumque Judices Ordinarios & Delegatos, etiam cauilarum Palatii Apostolici Auditores, judicari & definiri debere, ac irritum & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, necnon prædictæ Congregationis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis alias in suo robore permanuris, ad præmissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die xx. Martii MDCCXLV. Pontificatus Nostri Anno Quinto.

D. Card. Passioneus.

Card. Tho-  
masii laudes.

Item Cajetani  
Merati

Statutum  
unum Cler.  
Reg. Thea-  
tinum Sac.  
Rit. Consul-  
torem sem-  
per esse.

Clauſule ad  
perpetuum  
& deroga-  
tionem.

Dat. die 20.  
Martii 1745.